

Kemlehoufse

Dilexisti iustitiam ⁊ odisti ini-
quitate. **Ps.** Propterea vixit te 44.
deus / deus tuus oleo letitie.

Alla. **Sp**ecie tua ⁊ pulchri
tudine tua: intēde ꝑspere ꝑce-
de ⁊ regna. **Seque.** Exultent
filie syō. ⁊ **Euāg.** Simile est
regnū celoz decē virginiz

bus. fo. 379. Offer. Offer. **ps.**
rent regi virgines post eā: ꝑri 44.
me ei⁹ offerēt tibi. **Sec. De⁹**

virtutū celestiu: qm̄s vt sa-
crificia ꝑctē lucie festiuiz
tate delata: desiderioꝝ nos
ꝑpaliū doceāt habere conz

irginis otilie festi-
re ꝑecātes: vt qui
i gratiā spūs sc̄ti:
ordib⁹ n̄ris clemē
ndere digneris. **Ps**

usdē. **Lōio. Diffu=**
in labijs tuis: ꝑꝑte=
dixit te deus ineter=
impl. Adiuuēt nos

iebec mysteria san-
ꝑꝑsim⁹: ⁊ interce-
ꝑata otilia virgine

tunc tuis erroribus
⁊ d eterna gaudia
ant. **Per dñm.**

*Wittenberg, Cranaich u. Wöning
 Knaake; über Cranaichs Presse: Centralblatt für
 Bibliothekswesen VII, 1890 S. 203/4.
 Luther II, Suppl. 42. Wittenberg, Kluge, Lotter*

eterne beatitudinis premiu
 sempiternū. **Ps. Do. Sect.**
Mre fragilitati potentiss
 me mediator deus ops cō
 ferri deposcim⁹: vt hostia
 imolationis illi⁹ interuētū
 tibi reddat accepta: cuius
 solēnia celebram⁹. **Qu. cū.**
Cōpl. Saluāde recorda
 tionis victimis immola
 tis: beati prisiodoci gau
 dentes intereffe solenniss/
 domine oramus: vt cui⁹
 iustissimus seruitijs meris

clina aurē tuā: quia co
 rex speciē tuā. **✠. Sp.**
 pulchritudine tua: in
 spere procede ⁊ regn
 luita. **✠. Hodie** regin
 stris sublimata est: ⁊
 choris angelicis. **Be**
Faudes egregie
 ois canat: ⁊ turt
 laris fauorem dei p̄be
 adelphaidis successit fa
 peris. **Præsentem** vi
 mutans perenni glo
 culmine imperij præ



107

Martinus Luther Allen lieben
freunden ynn Christo zu Nigen
vnd ynn Liffland.

Nad vnd fride von Gott vnserm vater
durch vnsern herrn Ihesum Christon.
Ich byn lengest vermanet / lieben freun-
de / an euch ettwas Christlichs zu schrey-
ben / hette es auch wol gerne gethan / wie ich denn
schuldig byn / hat mich aber allerley gehyndert / zu
dem / das ich nichts besonders wuste zu schreyben /
weyl Gott vnser vater euch so reychlich hat begna-
det mit seynem heyligen wort / das yhr euch selbs
vntereynander känd beyde leren vnd ermanen / ster-
cken vnd trösten / villeicht besser denn wyr. Doch
weyl solchs von myr begerd ist / hab ich myr so viel
zeyt gestolen / meynen geyst sampt ewrem mit eym
geystlichen göttlichen gefange zu erwecken / vnd für
genommen den 127. psalm aus zulegen.

Vnd habe das darumb gethan / das diser psalm
zu mal seyn / die hertzen vom geitz vnd sorge zeytli-
cher narung vnd guts / auff den glauben zu Gott
zeucht / vnd kürtzlich leret / wie man sich Christlich
hallten soll / zeytlich gut zu erwerben vnd hallten.
Denn es ist freylich zuermuten / das widder bey
vns noch bey euch das auffgangen Euangelion
werde besser haben / denn es zur zeyt Christi vnd
der Aposteln / ia von anfang der welt gehabt hat /
Denn nicht alleyn die Euangelisten / sondern auch
alle Propheten darüber klagen / das der geitz vnd
zeytlicher güter sorge / fast hyndert die frucht des
Euangellij. Es sellet das edle wort Gottes ia mit
A ij zu vnter

Est A



1936:324

18233

R Est. A-11.374

zu vnter die dörnen/vñ wird erstickt das es nicht frucht bringet/wie vns leyder die erfahrung teglich allzu greyfflich zeyget. Vnd Paulus auch klagt/yderman suche das seyne/nicht was Ihesu Christi ist.

Ich habe nu viel gepredigt vnd geschrieben/das man ym stedten sollt gute schulen auffrichten/damit man gelerte memmer vñ weyber auffzöge/dar aus Christliche gute pfarrer vnd prediger warden/vnd das wort Gottes reichlich ym schwanc bliche. So stellet man sich so faul vnd lessig dazu/all wollt yderman verzweyffeln an der narung vnd zeytlichem gut/das mich dunckt/Es will da hyn komen/das beyde/Schulmeyster/Pfarrer/vnd Prediger werden müssen vergehen/vnd sich zu handwerck odder sonst weg thun/das sie das wort faren lassen/vnd sich des hungers erwerben/gleich wie die Leuten musten Gottes dienst lassen liegen vnd ackern/als Nehemias schreybt.

Ists aber nicht eyn erbermlicher iamer. Bisher hat eine stad/die bey vier oder funffhundert burger hat/kund geben/funff/sechs/sieben hundert gilden werd/alleyne den bettel münchen/on was Bischoff/Official/vnd ander schinder/dazu was sonst betteler vnd stationierer geraubt haben. Dazu noch heuttiges tages soll wol eyne solche stad funff odder sechs hundert gilden alleyne für parretierlich geben/will schweygen/was wartzte/seydend/gold/perlin/vnd des vnnützen dinges kostet/Ja was wird hier vnd weyn verschlemmet? das wenn mans alles zu samen schlecht/eyn solche stadierlich weyt vber tausent gilden ym den dreck wirfft. Solch arm elend verloren regiment ist itzt ym deutschen landen. Sollte sie aber eyn hundert gilden

gilden odder zwey zur guten schulen vnd predige knel geben/Ja da müst man verarmen vnd zu betteler werden/da haben wyr nichts/da regirt geytz vnd sorge der narung/da wil manhungers sterben.

Was wird aber Gott zu letzt dazu sagen? Er wird das sagen/Was der gottlose fürcht/das wird yhm komen/hunger fürchten wyr/hunger wird vns treffen/vnd wird dafür kein sorge helffen Vnd weyl wyr on alle nott/als die vngleubigen heyden so sorgfelig sind/das wyr seyn wort vnd werck nicht fordern/mit dem das er vns dazu geben hat/wird er vns lassen eyn zeyt komen/das wyr zu sorgen werden gnug haben/vnd vns dennoch selbs nicht werden fordern mügen. Vnd wens geschicht wie sichs anleest/das eyn grausame theurung kompt/so geschicht vns recht/denn wyr wöllens so haben. Vorhyn haben wyr den verfürern/pfaffen vnd münchen/die vnser mütter/weyber/töchter vnd Schwester geschendet vnd zu hurn gemacht/die vns mit freuel vnd gewalt vnterdrückt haben/das wyr als vnter den teuffeln keichen musten. Vnd darüber mit giftiger lere/leyb vnd seel ermordt vnd ym die helle getrieben/Denselbigen haben wyr nicht alleyne gnug auffß vberflüssigt/sondern land vnd leute/stedte vnd schlösser geben/vnd zu grossern herrn gemacht denn wyr selber sind odder haben.

Nu vns aber Gott sendet frume/trewe/gelerte leut/die zur zucht vnd keuscheyt helffen mit worten vnd wercken/vnd durch die göttliche ehe der hurerey weniger machen/dazu mit allem vleys vns an leyb vnd seele dienen vnd zum hymel die rechte

straffe weysen / die lassen wyr. Vnd die wyr solten
mit aller kost von der welt ende holen / die hallten
wyr sehler / wie der reiche man den armen Esarum
hielt. Vnd vermügen nu nicht drey frum gelerte eh-
liche prediger zu erneeren / da wyr zuuor haben
hundert hurntreiber ynn aller pracht erhallten.
Wolan / was Gott daran für gefallen wird haben
das werden wyr ynn der kirtze erfahren. Vns ist ni-
cht zusagen / So wird er auch widderumb eyn mal
die oren zu stopffen vnd nicht hören. Es sind noch
ettliche auff erden / wenn die das heubt legen / so
wird sichs finden.

Nichts bessers denn nur eyn anders vnd ergers
Babstum auffgericht / das vns grewlicher verder-
be (wo es möglich were) denn dis gethan hat / als
denn on zweyffel geschehen wird vnd mus / wo der
lungst tag nicht dreyn schlegt / Wyr wöllen doch
betrogen / verführet / geschunden vnd geschendet
seyn / Wie die weysheyt klagt Prouerbi. Ich rieff /
vnd yhr wegert euch / recket meyne hand aus / vnd
niemant achtets / yhr verschmehet all meynen rad
vnd lasst meine straffe faren / So will ich ewer auch
lachen wenn yhr verderbet / vnd ewer spotten / wenn
yber euch kompt das yhr fürchtet. Denn werden
sie myr ruffen / aber ich werde sie nicht hören / So
sollen sie essen von yhren fruchten / vnd von yhrem
rad satt werden.

Darumb will ich noch eyn liedlin solchem geytz
zu dienst singen / ob noch ettliche möchten erwecket
werden / die vns hülffen den Gottis zorn lenger auf
hallten / Vnd das soll seyn diser psalm / wileher hat
solche vberschrift. Eyn lied Salomo ynn der höhe.
Warumb diser psalm vnd ettlich mehr heysen
lied

lied ynn der höhe / weys ich nicht. Ettlich meynen
darumb / das die Priester vnd Leuiten haben sol-
che psalm gesungen / wenn sie hynauff ynn den tem-
pel gangen sind / auff den treppen oder stufen / dar-
umb nennen sie die selben / stufen lied odder trep-
pen lied. Aber das gillt nicht / hat auch keynen
grund noch anzeygen ynn der schrift. Sie haben
auch nicht auff den stufen / sondern ynn tempel ge-
sungen. Wenn aber meynen vnd duncken sollt gell-
ten / wolt ich also meynen vnd mich duncken las-
sen / das dise psalmen seyen mit hoher stym gesun-
gen / gleych wie die Knaben odder weyber singen ge-
gen die man stym / vnd sey eben das selbige / das
ettliche psalm heysen lammazeah / das ist / hoch ge-
sungen etc. Doch weyl die weyse der Leuiten zu sin-
gen ist vergangen / so ist vngewis / was wyr da-
von sagen / ligt auch nicht grosse macht dran / wenn
wyr nur den verstand des psalm recht hetten.

Salomo aber hat disen psalmen gemacht / vnd
ist nicht alleyn durch den geyst dazu erleucht / son-
dern alls der ynn teglichen regiment geübt vnd mit
leuten vmbgangen / solchs hat manigfeltiglich erfa-
ren / wie vergeblich der vnglaube sich mit sorgen
bemühet / das er den bauch versorge / So es
doch alles ligt an Gottes segenen vnd
behueten. Denn wo er nicht sege-
net / da hilfft keyne erbeyt.

Wo er nicht behue-
tet / da hilfft key-
ne sorge /
vnd
spricht also.

Wo der

Wo der HERR das haus nicht bauet / So
erbeyten vmb sonst / Die dran bauen.
Wo der HERR die stad nicht behuetet /
So wachet der wechter vmb sonst.
Es ist vmb sonst das yhr frue auffstehet / vnd ver-
sethet das sitzen / vnd esset das hardselige brod /
Denn wem ers gonnet / dem gibt ers schlaffend.
Sibe / die kinder sind das erbe vom HERRN /
Vnd des leybs frucht ist das lohn.
Wie die pfeyle ynn der hand des gewaltigen /
Also sind die kinder der iugent.
Wol dem man der seynen köcher der selben voll
hat / Die werden nicht zu schanden / wenn sie re-
den mit yhren seynden ym thor.

Erstlich müssen wir wissen / das haus bauen.
heyst hie nicht alleyn holz vnd steyne auffrichten /
das man wende vnd dach / kamern vnd gemach ha-
be / Sondern viel mehr alles / was ynn eyn haus
gehört / das wir auff deutsch sagen / haushalten /
gleych wie Aristoteles schreybt Deconomia / das ist
von haushalten / dazu w: yb vnd kind / knecht vnd
magd / vich vnd futter gehört / gleich wie Exodi 1.
Moses schreybt / das Gott den zwo ammen wol-
that vnd heuser bauete / darumb das sie yhn fürch-
ten / vnd erwürgeten die kinder Israel nicht / das
ist / Er halff yhnen / das sie mennen / söne / vnd töch-
ter vnd was dazu gehöret / gnug kriegen. Denn
Salomo gedencet eyne Christliche ehe zu beschrey-
ben / vnd vnterweyset yderman wie er eyn Christlich
eheman vnd haus herr seyn soll.

Die vernunfft vnd welt meynet / eyn ehlich leben
vnd haushalten solle gehen / wie sie es furnemen /
wöllen

wöllen der sachen mit yhren welen vnd erbeyten
radten / gerade alls sollts durch yhr erbeyt ausge-
richt werden / Da spricht Salomon eyn zu / Son-
dern ruckt vns hyn auff zu Gott / vñ leret vns solchs
alles mit rechtem glauben von Gott bitten vnd war-
ten. Vnd man sibet es auch ynn der erfahrung also.
Es greyffen manchs mal zwey zur ehe / die kaum
eyn hembd anzuzihen haben / vnd neeren sich doch
so still vnd seyn / das lust ist. Widderumb bringen
ettlich gros gut zusamen / vnd es verschleyßt doch
vnter yhren henden weg / das sie kaum sich erhall-
ten.

Item es greyffen zwey zusamen aus grosser lie-
be / vnd gehet noch yhrem wunsch vnd wal zu /
vnd haben doch darnach keynen güten tag miteyn
ander. Ettlich haben grossen vleys vnd angst /
das sie gerne kinder hetten / vnd kriegen sie nicht.
Ettlich die nicht darnach dencken / kriegen das
haus vol kinder. Item ettlich suchen still haus zu
hallten mit gesind / So wendet sichs / das alles vn-
glück da ist. Vnd so fort an / gehet es wunderlich zu
ynn der welt. Wer istts aber der also mit der ehe
vnd haushalten rhümort vnd keret es so seltsam
Das ist der / dauon hie Salomon sagt / Wo der
herr nicht haus hellt / da ist das haus hallten verlo-
ren. Den spruch will er war machen vnd erhallten /
Darumb lesst er ynn der welt solche fell gehen /
auff das er den vnglauben plage / vnd mache die
vermessenhert der vernunfft mit aller witzze vnd er-
beyt zu schanden / vnd dringe sie zum glauben.

Nu sollte billich diser spruch alleyn gnugsam
reytzen zu der ehe / vnd trösten alle die drynnen sind /
vnd den geitz mat machen. Denn das schreckt die
B sungen

tungen leut von der ehe/ das sie sehen/ wie es so
wunderlich zu gehet/ vnd sprechen/ Es höret viel
ynn eyn haus. Item Es lernt sich wol bey eyn wey
be/ Das macht/ sie sehen nicht wer solchs thut/
vnd warumb ers thut/ vnd weyl menschliche witz
vnd krafft hie nicht vorrad sihet/ noch helffen kan/
will sie nicht hynan. Darüber fellet man denn ynn
vnkeuscheyt so man eraussen bleybt/ oder ynn geitz
vnd sorge so man hyneyn kompt. Aber hie stehet
der trost/ Las den herrn hausbawen vnd haus/
halten/ greyff yhm nicht ynn seyn werck/ yhm ge
bürt darüber zu sorgen/ dyr aber nicht/ Denn wer
der haus herr ist vnd haus hellet/ den las sorgen/ Ge
höret viel ynn eyn haus/ Wolan/ so ist Gott ia gröf
fer denn eyn haus/ Der hymel vnd erden füllen/
wird ia auch eyn haus füllen kunden/ sonderlich
weyl er sichs anympt vnd lests von yhm singen.

Was ist's nu wunder/ das viel ynn eyn haus ge
höret/ wo Gott nicht haus herr ist/ Weyl du den ni
cht sihest/ der das haus füllen soll/ so müssen wer
lich alle winckel ledig seynen. Wenn du aber yhn
ansihest/ so wirstu nymer gewar ob eyn winckel le
dig sey/ Es dunckt dich alles voll seyn/ vnd ist auch
alles vol. Ist's aber nicht vol/ so ist's deyns gesichts
schuld/ gleych wie des blinden/ das er die sonnen
nicht sihet. Wer aber recht sihet/ dem keret Gott
das wort vmb/ vnd spricht nicht/ Es gehört viel
ynn eyn haus/ sondern/ Es gehet viel aus eyn hau
se. Also sehen wyr/ das haus halten soll vnd mus
ynn glauben geschehen/ so ist gnug da/ das man er
kenne/ Es lige nicht an vnserm thun/ sondern an
Gottes segen vnd beystand.

Aber damit ist nicht zuer stehen/ als verböte er
zu erbeyten

zu erbeyten. Erbeyten mus vnd soll man/ aber die
narung vnd des hauses fülle/ ia nicht der erbeyt zu
schreyben/ sondern alleyn der guete vnd dem segen
Gottes/ Denn wo mans der erbeyt zuschreybt/ so
hebt sich also bald der geitz vnd sorge/ vnd meynet
denn mit viel erbeyt viel zuerwerben/ So findet si
chs widerspiel/ das ettlich vngewer erbeyten/ vn
haben doch kaum brod zu essen. Ander thun gema
ch mit erbeyt/ den fleusst es zu/ Das macht al
les/ das Gott will die ehre haben/ als der alleyne
gibt alles gedeyen/ Denn wenn du gleych hundert
sar pflügest vnd aller wellt erbeyt thettest/ so möch
testu doch nicht einen halm aus der erden bringen/
Sondern Gott on alle deyn werck weyl du schleß
fest/ macht aus dem kornlin eynen halm vnd viel
korn drauff wie er will.

Darumb wil hie Salomon die erbeyt bestetti
gen/ aber doch die sorge vnd den geitz verwerffen/
Denn er spricht nicht/ Der herr bawet das haus/
das niemant dran erbeyten soll/ Sondern also.
Wo der herr das haus nicht bawet/ da erbeyten
ymb sonst die es bawen/ Als sollt er sagen/ Erbey
ten mus man/ aber das ist vmb sonst/ wo die erbeyt
alleyne ist/ vnd sich meynet selbs zu erneeren. Sie
thuts nicht/ Gott mus es thun/ Drum erbeyte al
so/ das du nicht vmb sonst erbeytest. Denn aber er
beytestu vmb sonst/ wenn du sorgest vnd auff deyn
erbeyt dich verlessest/ das sie dich erneere. Erbeyten
gepürt dyr/ Aber erneeren vnd haus halten gehö
ret Gott alleyne zu/ Darumb mustu weyt von eyn
ander sondern dise zwey/ erbeyten vnd haus baw
en odder erneeren/ so weyt alls hymel vnd erden/
Gott vnd mensch/ von eynander sind.

¶ Darumb

Darumb liest man oft ynn den sprüchen Salomonis/wie die faulen gestrafft werden/das sie nicht wollen erbeyten / vnd spricht/ Faule hand verarmet/Aber die vleyssigen hende bringen reichthum. Welche vnd der gleychen sprüche lauten/ alls liege es an der erbeyt/das man sich erneere/ So er doch daselbst/wie auch ynn diesem psalm spricht/ Es ligt an Gottes seggen/Vnd wie man auff deutsch saget/ Gott bescheret/ Gott beredt/ Das dis die meynung sey/ Gott hat Adam gepotten seyn brod zu essen ynn Schweys seyner angesichts/vnd will/ er soll erbeyten/Vnd on erbeyt will er yhm nicht geben. Widderumb will er yhm auch nichts durch seyne erbeyt geben/sondern blos alleyne durch seyne güte vnd seggen/Das die erbeyt soll seyne vbunge seyn ynn diesem leben das fleysch zu zwingen. Wo er darinnen yhm gehorsam ist/so will er yhm auch gnug geben vnd wol erneeren.

Denn Gott neeret den menschen auff keyn ander weyse/denn alle andere thiere/Wie der psalm spricht/ Er gibt zu essen allem fleysch/auch den iungen raben die yhm anruffen. Item psal. 103. Aller augen herr sehen auff dich/ vnd du gibst yhm zu essen zu rechter zeyt/ Du thust auff deyne hand vnd settigest alle thier mit seggen/das ist/mit fülle vnd gnüge. Nu erbeyt keyn thier vmb seyne narunge/ Sondern eyn iglichs hat seyn werck/darnach sucht vnd findet seyne speyse. Das vögelin flucht vnd singet/macht nesten/vnd zeuget iungen/das ist seyn erbeyt. Aber dauon neeret sichs nicht. Ochsen pflügen pferde/tragen vnd streyten. Schaff geben wolle milch vñ kese zc. das ist yhr erbeyt. Aber dauon neeren sie sich nicht / sondern die erde tregt gras vnd neeret sie durch

durch Gottes seggen. Wie auch Christus selbs Mat. 6. vns heysst die vogel ansehen/wie sie nicht sehen/erndten/noch eynsamlen / vnd doch von Gott erneeret werden/das ist/ sie erbeyten wol yhr erbeyt/Aber der erbeyt thun sie keyne/dauon sie erneeret werden.

Also soll vnd mus der mensch auch erbeyten vnd etwas thun/Aber doch daneben wissen/das eyn ander sey/der yhn neere/denn seyne erbeyt/nemlich Göttlicher seggen/wiewol es scheynet alls neere yhn seyne erbeyt/weyl Gott on seyne erbeyt yhm nichts gibt. Gleych wie wol das vögelin nicht seet noch erndtet/Aber doch müst es hungers sterben/wo es nicht nach der speyse flöhe und suchte. Das es aber speyse findet/ ist nicht seyner erbeyt / sondern Gottes guete/ Denn wer hat seyne speyse dahyn gelegt/das es sie findet? on zweyffel Gott alleyne/wie er spricht Gen. 1. Sihe ich hab alles grumende geben euch zur speyse vnd allen thieren. Summa/Wenn gleych solchs die schrift nicht leret/ so beweysets doch die erfahrung auch. Denn wo Gott nicht hyn legt / da find niemand nichts/ vnd sollt sich alle wellt zu tod erbeyten vnd suchen. Das sehen wyr mit augen vnd greyffens mit henden / noch gleuben wyr nicht. Widderumb wo er nicht zu radte hekt vnd bewaret/da bleybts nicht/vnd weiß hundert tausent schlosse dafür gelegt weren/ Es zu steubt vnd zusflucht / das niemand weys wo es bleybt.

Denn sage an/wer legt das sylber vnd gollt ynn die berge/das mans da findet? Wer legt ynn den acker solch gros gut alls eraus wechst / an korn/weyn/vnd allerley frucht/ da alle thier von lebens

B iij Thut

Thut das menschen erbeyt? Ja wol/ Erbeyt findet es wol/ Aber Gott mus dahyn legen vnd geben/ solls die erbeyt finden. Wer legt die krafft ynnis fleyschs/ das iunget vnd die welt vol vogel/ thier/ fisch zc. geporn wird? Thut das vnser erbeyt vnd sorge? Noch lang nicht/ Gott ist zuuor daselbs vnd gibt seynen segen heymlich drynnen / so gehets mit aller fälle eraus/ So finden wyrs denn/ das alle vnser erbeyt nichts ist/ denn Gottes gueter finden vnd auffheben. Nichts aber mügen machen odder erhalten.

Da sehen wyr nu/ wie Salomo ynn disem eynigen vers so kurtzlich gelernt hat/ die allergröste frage vnter menschen künden/ da man so viel bücher geschrieben/ so viel sprüche vnd weyse erfunden hat den armen bauch zuerneeren/ Wilchs Salomo alles auff eynen hauffen verwirfft/ vnd fassets alles ynn den glauben vnd spricht/ Du erbeytest vmb sonst/ wen du dahyn erbeytest/ das du wollest dich erneeren vnd deyn haus bawen/ Du machst dyr wol viel sorge vnd mühe/ Aber zu gleych mit solcher vermessenheyt vnd freuelen vnglauben sollt du wol Gott erzürnen/ das du nur deste armer werdest vnd gantz verderbest/ weyl du furnympst zu thun/ das yhm alleyne gepurt zu thun. Vnd ob dyr gelänge das du mit solchem vnglauben gleich aller dinge reich würdest/ gelangt dyr doch solchs zu grosser verderbung an der seelen ewiglich / das dich Gott leßt verblenden / vnd ynn deym vnglauben wol gehen.

Sondern wiltu dich seyn still vnd wol erneeren vnd recht haushalten/ höre zu/ Nym eyn erbeyt für dich/ das du zu schaffen habst/ damit du deyn
brod

brod ynn schweys deynes angesichts essest/ Dar nach sorge du nicht/ wie du erneeret werdest / vnd wie solche erbeyt deyn haus bawe vnd haltte / gib das alles Gott heym/ vnd las yhn sorgen vnd bawen/ traw yhm das selbige / Er wird dyr seyn vnd reichlich fürlegen was deyne erbeyt finden sollt vnd dyr bringen/ Denn wo ers nicht fürlegt/ da wirstu doch vmb sonst erbeyten vnd nichts finden. Also leret diser gantz Luangelischer vers meysterlich den glauben/ wider den leydigen geitz vnd bauchs sorge/ die itzt leyder allenthalben das Luangelion an seynner frucht hyndert. Aus dises vers verstand / ist nu der gantz psalm leicht / vnd wollen die andern vers kurtzlich auch vberlauffen.

Wo der herr nicht die stad bewaret/ Da huetet der wechter vmb sonst.

Im ersten vers hat er den geitz/ sorge/ vnd vnglauben gestrafft / an eym iglichem hause ynn sonderheyt / Inn dissem thut er dasselbige an eynere gantzen gemeyne / Denn eyn gantze gemeyne ist nichts anders denn viel heuser zu samen/ Darynn wird auch begriffen allerley fürstenthum / hirschaft vnd königreich / vnd was eyn gemeyner hauffe ist. Nu hellts die blinde wellt dafür / weyl sie Gott vnd seyn werck nicht kennet / es stehe bey yhrer witze / vernunfft / vnd krafft / das eyn gemeyne odder hirschaft gedeye vnd bleybe / Darumb samlen sie grosse schetze / giessen bächssen/ bawen feste thürn vnd mauren / schaffen harnisch vnd grossen vorrad / richten kluge gesetz auff / vnd greyffens dapffer vnd weyslich an / gehen daher ynn yhrer vermessenheyt/ vnd gruffeten Gott
nicht

nicht eyn mal drumb / gleich wie die thetten / die den thurm zu Babylonien baueten.

Die weyl sitzt Gott droben vnd sibet den menschen kindern zu / wie klüglich vnd keck sie hynan gehen / vnd lesst yhm singen aus dem 33 psalm. Gott macht zu nicht die anschlege der volcker / Vnd aber mal / Gott weys der menschen gedanken das sie vnnutze sind / Vnd aber mal / Er nympt den fürsten den mut / vnd gehet wunderlich vmb mit den Königen aufferden / Denn er lesst solche stedte vnd hirschaften wol eyn wenig auffsteygen vnd anfahen / Aber ehe sie sich vmbsehen / stößt er sie zu boden / vnd gemeyniglich / yhe grösser Königreiche / yhe ehe / Vnd ob sie wol eyn wenig ym schwancck bleyben / so ist doch für Gott / kaum wie eyn anfang / vnd ist noch nie keyns dabyn komen / da es hyn zu komen trachtet.

Wenn man die historien ansihet / der Königreiche ynn Assyrien / Babylonien / Persen / Kriechen Roma / vnd aller anderer / so findet man doch nicht anders drynnen / denn was disser vers sagt. Vnd ist aller yhr pracht nicht anders / denn eyn spiel Gottes / der sie hat lassen eyn wenig auffgehen / vnd ymer eyns nach dem andern vmb gestossen / Vnd wie sie kurtz durch menschen witz vnd vermessenheyt sind auffgestigen / so sind sie auch noch viel schneller widder nydder gefallen. Nicht das an leutten / gelt / gut / vnd allem vorrad gefeylet hat / sondern das der rechte wechter auffhöret zu bewaren / vnd lies sehen / was menschen witz vnd krafft vermöcht on seyn wachen vñ bewaren / So sand sieh den / das yhr ding nichts war / denn eyn eytel anschlag vnd vnnützfurnemen / das sie nicht

sie nicht mochten halten noch ausfüren.

Das haben sie auch selbs gefulet vnd bekand / Denn also schreybt der heyde Virgilius von Troia das der todte Hector sprach zu Enea ym schlaff / Nette Troia sollte beschützt werden / so were sie auch durch meyne hand beschützt worden. Vnd Lucanus. magnisque negatum Stare diu. Es ist nicht geben / das die grossen reiche lange bestehen So gar öffentlich ist Gottes werck am tage / noch erkennet man seyn nicht / ob man gleich mit dem kopffe da widder leufft. Also bekennen auch die Kriegsleutt / wie das der sieg liege nicht an der mengenoach stercke des heeres / sondern wie sie sagen / am glück. Aber die schrift sagt / Es ligt an Gott / wie psalmus 23. sagt / Er ist der Herr / mechtig ym streyt / Vnd psal. 33. Er hatt nicht willen an der stercke der pferde / vnd pferde helffen nicht mit yhrer stercke. Vnd die starcken mügen yhn nicht helffen 2c. Auch Eccle. 9. Ich sahe / das lauffen nicht lag an den schnellen / noch streyt an den starcken 2c.

So will nu Salomo mit disem vers kurtzlich alle Könige / Fürsten / radherrn / vnd was regieren soll / leren / wie sie sollen eyn seyn / fridlich / selig regiment füren vnd behallten / das wol zu gehen Nemlich sie sollen zum ersten wachen vnd vleys thun / als yhr ampt foddert / Denn er spricht hie nicht / das sie nicht wachen sollen noch fleysig seyn gleich wie er ym vorigen vers nicht die erbeyt verbeut. Auch spricht S. Paulus Ro. 12 das die iheringen / so andern für stehen / sollen sorgfellig odder vleysig seyn / Sondern will das yhr wachen nicht vergeblich vnd verloren / sondern nützlich vnd gut
E sey.

sey. Zum ändern / das sie solch wachen ym glauben Gott heyin stellen / vnd yhn lassen sorgen / wie er behuete / auff das sie nicht sich vermessen / das yhre wache vnd vleis die statt beware / sondern on sorge seyen / das Gott werde wol die stad bewaren / land vnd leutt beschutzen. Die vermessenheit vnd sorge / thu nur von dem wachen / vnd las es frey ym glauben daher gehen / Denn wie wol Gott nichts will bewaren man thu den vleis vnd wache / so will er doch nicht / das man meyne / vnser wachen vnd vleis thu solchs / wilchs alleyne seyne guete vnd gnade thut.

Denn der zweyer eyns mus gewislich folgen / wo wyr wachē aus vnserm vertrauen / eyntweder vermessenheit odder sorge. Gehet es wol ab vnd ist sicher / so vermessen wyr vns vnser wachens. Gehet es vbel vnd will feylen / so sorgen vnd zagen vnd zweyffeln wyr. Nu will Gott der beyder keynes leyden / widder vermessenheit noch sorge / das wyr nicht sorgen wenn wyr vnicher sind / noch vermessen wenn wyr sicher sind / Sondern ym eym freyen richtigem glauben wachen vnd thun / was vnser ampt ist / vnd eben so wenig sorgen wenns vbel gehet / alls vermessen wenns vbel gehet. Solchs thut nu niemand denn eyn gleubig hertz / Wie David spricht widder die sorge / psalm. 3. Ich will mich nicht fürchten / wenn viel tausent sich vmb mich machen. Vnd psalm. 26. Der herr schützt mich / für wem soll ich mich fürchten? Wenn sich eyn streyt widder mich erhöbe / so will ich mich auff yhn verlassen. Widderumb spricht er widder die vermessenheit psal. 43. Ich will mich lassen auff meynen bogen / vnd meyn schwerd wird myr nicht helffen.

Warumb

Warumb heysst er denn erbeyten vnd wachen / vnd will das man mauren / harnisch vnd allerley vorrad habe / gleich wie er die kinder Israel hies harnisch anthun / vnd streyten widder die Cananters Soll man keyn vorrad schaffen / thor vnd fenster offen lassen / vnd sich gar nicht weren / sondern lassen auff sich stechen wie auff die todten leybe / alls die ynn Machabeorum libro thetten? Bey leybe nicht / Du hast gehört itzt / das oberkeyt soll wachen / vleyssig seyn / vnd alles thun was yhrem ampt gepürt / thor zu schliessen thürn vnd mauren bewaren / harnisch anlegen / vorrad schaffen / vnd sich eben stellen alls were keyn Gott da / vnd müsten sich selbs erretten vnd selbs regiren / gleich wie eyn hausherr soll erbeyten / alls wollt er sich mit der erbeyt erneeren.

Aber da soll er sich für hueten / das seyn hertz yhe nicht sich verlasse auff solch seyn thun / auch sich vermessen / wo es wol angehet / noch sorgen wo es feylen will / Sondern soll all solch bereytschafft vnd rüstunge lassen vnser Herr Gottes mummerey seyn darunter her selbs alleyne wircke vnd ausrichte was wyr gerne hetten / Denn er solche rüstunge auch darumb besilhet / auff das er seyn werck darunter verberge / vnd lasse die anlauffen die sich vermessen / vnd stercke die so sich besorgen / auff das man yhn nicht versuche. Also hat er alle kriege Davids des Königs gefürt ym alten Testament vnd des gantzen volcks Israel / vnd füret sie auch noch wo solch gleubige oberkeyt ist. Also hat er Abraham / Isaac vnd Jacob durch yhre erbeyt reich gemacht zc. Das man wol mag sagen / der wellt laufft vnd sonderlich seyner heyligen wesen sey Gott.

C ij tes

tes mummerey / darunter er sich verbligt vnd ym-
der welt so wunderlich regirt vnd rhumort.

Es ist vergeblich das yhr frue auff-
stehet vnd spatt nydergehet / vnd esset
das hartselige brod.

Denn seynen lieben gibt er solchs ym schlaff /
Das ist alles geredt widder die vermessenheyt vnd
sorgfältickeit / alls solt er sagen / Das yhr frue
auffstehet vnd spatt nydder gehet / vnd meynet yhe
mehr yhr erbeytet yhe mehr yhr haben werd / das
ist verloren / Denn es mus doch Gottes segen thun.
Vnd ob yhr gleich mehr denn ander erwörbet die
nicht so engstlich thun / noch gut vnd hutt / so reicht
es doch nicht so ferne alls der andern / die nicht so
engstlich sind vnd verschwindet doch vnter den hen-
den / wie der 36. psalm sagt. Es ist besser dem gere-
chten eyn wenig / denn grosse güter der gottlosen.
Vnd Salomo ynn seynen sprüchen / Es ist besser
kraut mit liebe / denn eyn fetter ochse mit hass.

Das aber dis die meynung sey / vnd er hie nicht
die erbeyt odder vleys verbiete / beweyset sich dar-
aus / das er sagt / Vnd esset das hartselige brod /
das ist so viel gesagt / Yhr macht euch ewr brod
vnd narung hart vnd saur / vnd ist doch nicht der er-
beyt schuld / sondern ewers engstlichen vngleubi-
gen hertzen / das nicht gleubt / gott werde euch er-
neeren / sondern geylet vnd treybt / vnd will zuuor
kassen / beuttel / Keller / vnd boden voll haben / vnd
nicht ehe rugen / es wisse denn vorhad / den es ynn
vielen iaren nicht mäge verzeren. Aber wer Gott
gleubt / der sorget nicht für den morgen / lesst yhm
benügen heut / vnd thut seyn erbeyt mit freuden
vnd

vnd stillem hertzen hellt sich / wie Christus ym E-
uangelio sagt. Seyt nicht sorgfältig für den mor-
gend tag / Denn der morgend tag wird seyn un-
glück haben. Es ist gnug das eyn iglich tag seyn
vbel hat. Sihe disen wird yhr narung nicht hart
noch saur. Denn wie wol sie auch yhr brod essen
ym schweys yhres angesichts eusserlich / So thun
sie doch das mit glauben vnd frölichem gewissen
ymerlich.

Darnach schleusst er / wie Gott solchs alles ge-
be vnd spricht. Sic dabit dilectis suis somno. Sol-
chs alles / beyde haus bawen vnd stad bewaren /
das gibt er wie ym schlaff seynen lieben / das ist / er
lesst sie wol erbeyten vnd vleyssig seyn / aber doch so
das sie nichts sorgen noch vermessen / sondern ge-
hen dahyn frölich / vnd nemen sich nichts an / las-
sens yhm befolhen seyn vnd leben dahyn feyn still /
vnd mit rugigem hertzen / wie eyner der sicher vnd
süs schlefft / vnd auch keyns dings sich annympt /
vnd doch feyn bewaret vnd lebendig bleybt / Denn
sie haben gnug vnd müssen gnug haben vnd bewa-
ret seyn / weyl sie es Gott heym stellen / wie der 54.
psalm sagt. Wirff deyn sorge auff den herrn / der
wird dich erneeren. Vnd 1. Petri 5. Werfft alle ew-
re sorge auff yhn / vnd wisset das er für euch sor-
get. Es ist nur zu thun ymb die leydige sorge / geitz
vnd vnglauben / nicht ymb die erbeyt.

Sihe / die kinder sind das erbe
vom herrn / Vnd die frucht des
leybs ist das lohn.

Das ist gantz auff Ebreische weyse geredt / Er-
C iij be

be vom herrn vnd lohn ist eyn ding/ gleich wie kin-
der vnd frucht des leybs eyn ding ist / vnd will also
sagen. Was ist's nütze das yhr so fast sorget vñ euch
engstet/wie yhr gut vnd hutt vberkomet/Sind doch
die kinder vnd was von weybern geporn wird
nicht ynn ewer gewalt / wilche doch gehören ynn
eyn haus vnd stad? Denn wo nicht kinder weren
vnd leybes fruchte / da würde widder haus noch
stad bleyben. So denn die selbigen Gottes erbe vñ
lohn (das ist) Gottes gaben vnd geschencck sind/
für die yhr doch so fast sorget/Vnd wenn alle wellt
mit aller krafft zusamen thette / möcht sie doch ni-
cht machen/das eyn kind ynn eynichem leybe eyns
weybes empfangen odder geporn würde / Son-
dern es ist alles Gottes werck alleyne. Warumb
denckt vnd sorget yhr denn für gut vnd hutt/ So
yhr das nicht habt/ für wileche yhr soleh gut vnd
hutt sucht? So sollt nu eyn haus vater vnd herr bil-
lich also sagen / Ich will erbeyten vnd das mey-
ne thun. Aber der die kinder ynn hause/vnd die leu-
te ynn der stad (die allzumal leybes fruchte sind)
schafft vnd macht / der wird sie auch neeren vnd
bewaren. Sihe / so würde dem seyne erbeyt / vnd
yhenem seyn wachen nicht saur / vnd gienge seyn
ynn glauben zu.

Das hat auch Christus Matt. 6. (wie fast den
gantzen psalm) gerürt / da er spricht. Ist der leyb
nicht mehr denn die kleyder / vnd die seele mehr
denn die speyse? alls sollt er sagen. Sind doch kin-
der vnd leybes fruchte nicht ynn ewr sorge/wie sor-
get yhr denn für gut vnd hutt? Denn wer kan ymer
mehr sagen/ wie das zu gehet/das alle menschen
kinder

kinder aus weyber fleysch daher komen? Wer hat
solch grosse menge menschen ynn das arme fleysch
verborgen/vnd bringts so wunderbarlich eraus? Von
alleyen der die kinder zum erbe gibt / vnd leybes
frucht zu lohn seynen lieben/wie ym schlaffe Gott be-
scheret vber nacht / spricht man/vnd ist yhe war-
lich war.

Wie die pfeyle ynn des gewaltigen hand/
Also sind die kinder der iugent.

Er vergleycht die kinder vnd leute/den pfeylen
ynn der hand eyns starcken helden. Der selbige
scheusst die pfeyle wenn vnd wo er hyn will. Also se-
hen wyr auch wie Gott mit vns vmbgehet. Sihe
doch drauff/wie seltsam er man vnd weyb zusam-
en paret / des sich niemant versehen möchte/ wie
komen sie zu seltsamen stenden vnd wesen/da sie nie
nach gerungen haben/das man wunder dran si-
het/Vnd gemeyniglich anders hynaus gehet/denn
es vater vnd muter vnd auch eyn iglicher selbs be-
dacht hat/Alls sollt Gott mit der thatt disen vers
bekennen vnd sagen. Ich will aller menschen an-
schlege zu nicht machen/vnd mit den menschen kin-
dern vmbgehen nach meynem willen / das sie ynn
meyner hand seyn/wie pfeyle ynn eyns starcken ri-
sens. Was hilffts denn viel sorgen vnd anschlafen
wie es mit vns werden soll / so es doch nicht an-
ders wird denn wie er will? Drumb ist's das best/
erbeyten vnd yhn sorgen lassen für das zukünfftige.

Vnd sonderlich nennet er die kinder der iugent/
alls die noch nicht haushalten/ noch wechter ynn
C iij der stad

der stad sind / die wyr meynen gantz vnd gar vnser
flugheyt befolhen zu haben. Noch füret er sie ym
haufe vnd stad wie er will / vnd richtet mit yhnen
aus was er will / Das wyr ia sehen sollen / das er
für alle ding sorget / vnd vns nichts nyrgent lassen
will denn die erbeyt. Damit wyr nicht meynen Gott
regiere alleyn die iungen kinder ynn der wigen /
vnd lasse die grossen sich yhrer vernunfft vnd frey-
es willens brauchen. Ja er regirt die grossen (spricht
er hie) ia so mechtiglich alls die iungen. Sie
sind pfeyle ynn seyner hand / müssen weben vnd fa-
ren wo vnd wie er will. Es gilt bey yhm gleych /
vernunfft vnd vnuernunfft / hymel vnd erden / iung
vnd alt / Flug vnd weysse.

Ja mit den flugen vnd vernunfftigen gehet er
wunderlicher vmb / vnd hat viel mehr mit yhn zu-
schaffen / das er yhr anschlege vnd vernunfft zu nar-
ren mache / vnd füre sie anders denn sie furnemen.
Drumb laut diser vers / das nicht die kinder vnd
früchte des leybs / wilche er Gottes erbe vnd ga-
be nennet / Sondern die kinder der iugent / die nu
gros vnd vernunfftig sind / ynn der hand hat wie
eyn rise seyne pfeyle / so es doch scheynet als habe
er die selbigen am wenigsten ynn der hand / vnd las-
se yhre vernunfft vnd witze sie meystern / vnd wart-
te er die weyl der kinder. Es ist alles zu thun / das
er vns will das regiment vnd sorge vber vns ne-
men vnd weren / auff das wyr wissen sollen / wie
er selbs alleyn vns regiere vnd für vns sorge / vnd
vns erbeyten vnd schaffen vnser ding.

Wol dem

Wol dem man der seynen köcher

der selben voll hat / Die werden nicht zu
schanden / wenn sie mit yhren seyn-
den reden ym thor.


Er wundschet / das solcher iugent von Gott ge-
ben vnd erkand viel seyen. Denn so stünd es wol
ynn der welt / Das ist auch war / Soll man aller-
ley sachen ratten / so mus die iugent darnach gezo-
gen vnd gehalten werden / die vns nach / das regi-
ment vnd leben auff erden soll füren. Gleich wie der
rise wol bestebet vnd gerüst ist der seynen köcher vol
pfeyle hat / Also ist der hausherr vnd die stad wol
versehen / die solcher iugent viel hat / von Gott ge-
ben / Denn daselbs hellt Gott selbs haus / vnd be-
huetet die stad.

Aber solch gros gnade bleybt nicht on verfol-
gung / Den wo es Göttlich zugehet / da mus auch
teufflich anfechtung seyn. Der ynglaub vnd geytz
der welt kan solchs nicht leyden / das man so lere
odder lebe / darumb werden solche hausherrn vnd
stedte nicht an seynde bleyben / die sie lestern vnd
schenden. Aber da widder steht hie der trost / das
sie endlich doch mit ehren bestehen werden / vnd
yhre seynde ym thor / das ist / öffentlich zu schanden
machen. Er nennet aber keynen harnisch noch waf-
fen / Sonder alleyn das wort / vnd spricht. Sie wer-
den reden mit yhren seynden ym thor / alls sollt er sa-
gen / mit der lere werden sie bestehen / das es recht
sey / wie hart auch die widderwertigen das anfech-
ten.

Dis will ich ewr liebe meyne lieben freunde ynn
Christo zur ermanung geschriben habe / das ewr
hertz

hertz mit vns deste vleyffiger seyen / da mit das
Euangelion reych vnd fruchtbar bey vns allen wer
de ynn allerley verstand vnd guten wercken. Da wi
der die frucht des leydigē vnglaubens / der geytz / so
gewalltiglich sicht. Vnser lieber herr Ihesus Chri
stus stercke vnd helffe vns / Denn so wyr noch sch
wach sind / das wir fur des bauchs notdurfft nicht
können das sorgen lassen / wie wöllen wyr das wue
ten der welt / den tod / schmach / vnd alles ander
vnglück tragen? Ja wie wöllen wyr stehen / wenn
nu die falschen geyster an vns komen / so sich itzt
schon regen vnd anheben? Aber Gott der vater al

ler barmhertzickeyt der seyn wort vnd werck
bey euch angehoben hat / wöllte ewer
synne vnd hertzen behueten ynn
der eynselltigen vnd vnuerfel
schten erkentnis Ihesu
Christi vnser hey
lands / wilchem
sey lob vnd
danc
ynn ewigkhey. Amen,



lestin gaudioꝝ. **V. C. Dio.**
Ps. Diffusa est gra in labijs tuis:
44. ppter ea benedixit re deus in
eternum. **Compl. Et** eti dñe
sumpsimus celestia sacra
mēta: q̄ intercedente p no
bis b̄ta lucia martyre tua:
ad vitā nobis p̄ficiāt sem
piternam. **Per dñm.**
Sācti Modoci p̄fessoris
eodē die: chor⁹ augustens
is non habet. Collecta.

Deus q̄ beatū io
docū p̄fessorem
tuum eternitatis
glia sublimasti:

uemur auxilijs, **Ps**
Adelbaidis imp
Audeam
oēs in dñ
stū celeb
honore
dis / de cuius solenni
dent angeli ⁊ collau
dei. **Ps.** Eructavit cor
bū bonū / dico ergo o
regi. **Gl̄ia** in excelsis
Deus q̄ noby
baidis die
lennem venerari:
q̄ns ei⁹ suffragan
ritis / tuis semper



fol. 378. Grad.

t gratia i labijs tuis:
a benedixit te de⁹. in=
V. Propter veritatē
tudine z iustitiam: z
e mirabiliter dextera
a. **V.** Egregia sponsa
ora p nobis ad dñm

istum. **Sequentia.**

filie syon. fol. 379.

Ant. Simile est rez
oz thesauro absco

579. Offer. R. Ite

ponore tuo: astitit rez
extris tuis in vestitu
/circūdata varietate.

Quoniam tibi dñe

mis z martyris. **Antiph.** 13.



Dilexisti iustitiam z
odisti iniquitatem:
propterea vnxit te
deus / deus tuus

oleo letitie: p cōsortibus tuis.
Ps. Eructavit cor meū verbū
bonū: dico ego opa mea regi.

Gloria in excelsis deo. **Oratio.**

Quædam nos deus salus
taris noster: vt sicut
de beate lucie virginis z
martyris festiuitate gauz
demus: ita pie deuotionis
erudiamur exēplo. **R. Et**
colla de btā virgine. De⁹
q̄ verbū tuū. fo. 1. Lectio.